

**MESYUARAT PERTAMA PENGGAL PERTAMA  
DEWAN UNDANGAN NEGERI PULAU PINANG  
YANG KEEMPAT BELAS  
02 OGOS 2018**

**PERKARA : 4(B)(XXI)4**

**SOALAN BERTULIS OLEH AHLI KAWASAN BAGAN DALAM  
YB. SATEES A/L MUNIANDY**

4. Apakah tindakan yang telah diambil oleh Kerajaan Negeri untuk mewartakan kawasan persisiran pantai Teluk Air Tawar - Penaga sebagai *Nature & Wildlife Reserve*, untuk melindungi habitat kawasan eco-sensitive itu?

**YB. PHEE BOON POH  
MENJAWAB BAGI PIHAK Y.A.B. KETUA MENTERI**

4. Kerajaan Negeri melalui Rancangan Struktur Negeri Pulau Pinang (RSNPP) 2020 yang diwartakan pada 27 Jun 2007 telah menggariskan Dasar Sektoral 55 (DS55) bahawa "Pembangunan Secara Mapan Akan Dilaksanakan Bagi Memastikan Keseimbangan Antara Pembangunan Fizikal dan Kepentingan Alam Sekitar Terjamin". Di bawah Langkah Ke-6 Dasar Sektoral tersebut (DS55 L6), telah dijelaskan mengenai dasar berkenaan "Memulihara Dan Mewartakan Hutan Lipur, Hutan Paya Laut, Hutan Penyelidikan dan Pelajaran Sebagai Sumber Eko-Pelancongan dan Hutan Simpan Kekal". Perkara ini termasuk cadangan untuk mewartakan Hutan Paya Laut yang turut melibatkan kawasan pantai Telok Air Tawar dan Penaga. Dasar ini, secara langsung merujuk kepada komitmen Kerajaan Negeri menjadikan kawasan berkenaan sebagai *Nature & Wild Life Reserve*. Pada masa yang sama, Jabatan Perhutanan Negeri Pulau Pinang sedang dalam tindakan untuk mewartakan 200 hektar hutan paya bakau di atas tanah Kerajaan di Penaga untuk dijadikan sebagai hutan simpanan kekal berdasarkan keputusan Majlis Mesyuarat Kerajaan (MMK) pada 19 Disember 2007 yang bersetuju untuk mewartakan semua kawasan hutan bakau dan hutan nipah atas tanah Kerajaan dan tanah milik agensi sebagai hutan simpan kekal. Kawasan tersebut telah dipersetujui untuk dijadikan sebagai hutan simpanan kekal bagi memastikan ianya dapat menyumbang kepada fungsi alam sekitar

serta sosio ekonomi rakyat dan diwarisi generasi akan datang secara lestari.